

15/157 → 55



## **PPJ GALAK KREATIVITI DAN GAYA HIDUP HIJAU DI KALANGAN KOMUNITI PUTRAJAYA**

**PUTRAJAYA, 7 JULAI 2020** – YBhg. Datuk Dr. Aminuddin Bin Hassim, Presiden Perbadanan Putrajaya (PPj) menyempurnakan Majlis Anugerah Inisiatif Hijau Putrajaya 2020 (AIH Putrajaya 2020) bertempat di Kompleks Perbadanan Putrajaya, Presint 3.

Pertandingan yang julung kali diadakan mempertandingkan empat (4) kategori dengan hadiah keseluruhan bernilai RM9,050.00. Antara kategori yang dipertandingkan ialah Kategori Penjimatan Elektrik, Kategori Penjimatan Air, Kategori Pengurangan Sisa Pepejal dan Anugerah Khas Juri. Johan bagi ketiga-tiga kategori akan membawa pulang hadiah wang tunai berjumlah RM500 serta sijil. Naib Johan pula akan menerima hadiah wang tunai berjumlah RM400, RM300 bagi tempat ketiga dan RM200 kepada 22 orang pemenang saguhati. Majlis turut menyaksikan penyampaian Anugerah Khas Juri kepada 3 bakal pemenang yang akan membawa wang tunai berjumlah RM350 beserta sijil.

Turut hadir sama pada majlis tersebut ialah, YBhg. Dato' Fadlun Bin Mak Ujud, Naib Presiden Jabatan Perancangan Bandar PPj, YBhg Dr. Khairul Nizam Bin Othman, Timbalan Setiausaha Bahagian Pengurusan Strategik, Kementerian Wilayah Persekutuan dan YBrs. TPr. Dr Alias Bin Rameli, Pengarah Bahagian Penyelidikan dan Pembangunan Jabatan Perancangan Bandar dan Desa (PLAN) Malaysia.

AIH Putrajaya 2020 telah berlangsung pada 5 Mei hingga 9 Jun 2020 bertujuan untuk mencungkil idea-idea dan kreativiti warga Putrajaya menerusi penghasilan video pendek mengenai amalan gaya hidup hijau serta amalan penjimatan penggunaan

tenaga elektrik, air dan pengurangan sisa pepejal. Disamping itu juga, pendekatan terbaru yang dilaksanakan oleh PPj dilihat berjaya meningkatkan lagi kesedaran sekaligus mendidik komuniti untuk terus mengamalkan 3R (*reduce, reuse, recycle*) dalam kehidupan seharian.

Antara panel juri AIH Putrajaya 2020 yang menilai hasil kreativiti peserta pertandingan adalah terdiri daripada rakan strategik PPj seperti SEDA Malaysia, Malaysian Green Technology and Climate Change Centre, Alam Flora sebagai panel juri.

Keterangan lanjut berhubung Majlis Anugerah Inisiatif Hijau Putrajaya 2020 (AIH Putrajaya 2020) sila hubungi Pegawai Media PPj, Encik Mohd Fairus Bin Mohd Padzil ditalian 03-88877347 / 019-3354346 dan Encik Mohamad Fitri Bin Norsalim ditalian 03-88877258 / 011-10688347.



**(TENGGU AINA BINTI TENGGU ISMAIL SHAH)**

**Pengarah**

**Bahagian Komunikasi Korporat**

b.p. Presiden Perbadanan Putrajaya

Tarikh: 06 Julai 2020